



Broj: 07/I-30-6205/23-5  
Dana: 21.08.2023. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05), a u skladu sa Pravilnikom o unutrašnjoj organizaciji i sistematizaciji radnih mjesta u Ministarstvu za unutrašnje poslove Bosansko-podrinjskog kantona Goražde, broj: 07-01-02-2322/23 od 05.05.2023. godine, policijski komesar Uprave policije u sastavu Ministarstva za unutrašnje poslove Bosansko-podrinjskog kantona Goražde, raspisuje:

## JAVNI OGLAS

za prijem u radni odnos namještenika na neodređeno vrijeme u upravu policije u sastavu Ministarstva za unutrašnje poslove Bosansko-podrinjskog kantona Goražde

### Radno mjesto:

1. Viši referent - tehnički sekretar, Policijska stanica Ustikolina - Policijska uprava Goražde - Uprava policije u sastavu Ministarstva za unutrašnje poslove Bosansko - podrinjskog kantona Goražde, jedan izvršilac.

### Opis poslova:

Obavlja administrativno – tehničke poslove za potrebe Policijske stanice Ustikolina kao što su: poslovi prijema i obrade pošte upućene komandiru stanice; zavođenje, razvođenje, raspoređivanje, arhiviranje i otpremanje pošte; poslovi telefonskog operatora i bilježenje usmene informacije koja se prosljeđuje licu kojem je upućena; vođenje evidencije putnih naloga, evidencije o radnom vremenu radnika na osnovu koje se nadležnoj organizacionoj jedinici dostavljaju podaci potrebni za obračun plaće; vođenje odgovarajućih evidencija, trebovanje kancelarijskog i drugog materijala; daktilografska obrada materijala u rukopisu ili po diktatu; obavlja i druge poslove koji su u neposrednoj vezi sa opisom poslova ovog radnog mjesta.

### Opći uvjeti:

1. da je državljanin Bosne i Hercegovine,
2. da je punoljetan,
3. da ima opću zdravstvenu sposobnost za vršenje poslova radnog mjesta na koje se prima,
4. da ima vrstu i stepen školske spreme potrebne za vršenje poslova radnog mjesta za koje se prijavljuje, a prema Pravilniku o unutrašnjoj organizaciji i sistematizaciji,
5. da u posljednje dvije godine od dana objavljivanja ovog Javnog oglasa nije otpuštena iz organa državne službe kao rezultat disciplinske kazne na bilo kojem nivou vlasti u Federaciji BiH, odnosno Bosni i Hercegovini,
6. da nije obučena odredbom člana IX 1. Ustava Bosne i Hercegovine.

**Posebni uvjeti propisani Pravilnikom o unutrašnjoj organizaciji i sistematizaciji:**

1. SSS - gimnazija ili ekonomska ili srednja tehnička škola,
2. najmanje 10 mjeseci radnog staža nakon završene srednje škole,
3. položen stručni ispit za namještenike.

Uz prijavu na Javni oglas koja sadrži kratku biografiju, adresu stanovanja i kontakt telefon, kandidati moraju dostaviti sljedeću dokumentaciju (original ili ovjerenu kopiju):

1. uvjerenje o državljanstvu Bosne i Hercegovine, ne starije od šest mjeseci,
2. izvod iz matične knjige rođenih,
3. diploma o stečenoj školskoj spremi,
4. uvjerenje poslodavca ili ovjerena izjava kandidata da u posljednje dvije godine nije otpušten iz organa državne službe kao rezultat disciplinske kazne na bilo kojem nivou vlasti u Federaciji BiH, odnosno Bosni i Hercegovini,
5. ovjerena izjava kandidata da nije obuhvaćen odredbom člana IX 1. Ustava Bosne i Hercegovine
6. uvjerenje/potvrda o radnom stažu nakon završene srednje škole,
7. dokaz o položenom stručnom ispitu za namještenika.

Kandidat koji bude primljen, prije stupanja na posao obavezan je dostaviti ljekarsko uvjerenje da ima opću zdravstvenu sposobnost za vršenje poslova radnog mjesta (ne starije od tri mjeseca), u roku koji odredi Uprava policije. U slučaju da kandidat ne ispunjava ovaj uvjet ili ne dostavi uvjerenje u određenom roku bit će odabran drugi kandidat koji taj uvjet ispunjava.

Radni odnos se zasniva na neodređeno vrijeme.

Namještenik koji bude primljen u radni odnos podliježe obavezi probnog rada u trajanju od 3 mjeseca.

Javni oglas ostaje otvoren 15 dana od dana posljednjeg objavljivanja u dnevnim novinama.

Prijavu sa dokazima o ispunjavanju uvjeta, u zatvorenoj koverti, dostaviti neposredno ili putem pošte preporučeno, na adresu:

**Bosansko-podrinjski kanton Goražde**  
**Uprava policije u sastavu Ministarstva za unutrašnje poslove**  
**Zaima Imamovića 5**  
**73000 GORAŽDE**

**sa naznakom**

**„Javni oglas za popunu radnog mjesta namještenika u Upravi policije u sastavu  
Ministarstva za unutrašnje poslove Bosansko-podrinjskog kantona Goražde -  
NE OTVARATI“**

Nepotpune, neuredne i neblagovremene prijave neće se uzimati u razmatranje.

